

Republikein

Jou land. Jou taal. Jou koerant.

Nege verdagtes weens wildmisdad vasgetrek
Net span stywer om wildsindikate

16 July 2021 | [Misdad](#)



Wildmisdaad 21 - 27 Junie 2021

					Gekonfiskeer:		
					Elandkarkas		Ammunisie
Nuwe sake geregistreer	Verdagtes in hegtenis geneem	Verdagtes vas vir renosterstropery	Verdagtes vas vir olifantstropery	Voertuie gekonfiskeer	1	Vuurwapens	5
5	9	0	0	0			Ietermagövel
					Olifanttande	3	23

Ellanie Smit – Vyf wildmisdaadsake is onlangs aanhangig gemaak en nege verdagtes is in hegtenis geneem, met 28 onwettige wildprodukte waarop beslag gelê is. Dít volgens die jongste wildmisdaadverslag vir die periode 21 tot 27 Junie wat deur die ministerie van die omgewing, bosbou en toerisme se intelligensie- en ondersoekteenheid en die ministerie van binnelandse sake, immigrasie, veiligheid en sekuriteit se beskermde hulpbronne-afdeling uitgereik is.

Op 20 Junie is 'n Namibiër op Rundu in hegtenis geneem toe 'n ietermagövel in sy besit gevind is. Mnr. Jeremia Kandjuni is aangekla van die onwettige besit van beheerde wildprodukte. Die saak is nie die vorige week aangemeld nie, en is dus by hierdie verslag ingesluit.

By die Etosha Nasionale Park se King Nehale-hek is twee Namibiërs op 21 Junie in hegtenis geneem omdat hulle onwettig in die besit van 'n elandkarkas was. Mnre. Jacobus Fillipus en Tuhafeni Hayiyambo is albei aangekla van die onwettige jag van beskermde wild.

In 'n ander voorval by Omahenene is 'n Angolese burger en 'n Namibiër op 22 Junie in hegtenis geneem toe hulle met 22 ietermagövelle betrap is terwyl daar op 'n handwapen sowel as vyf rondes ammunisie beslag gelê is. Omahenene is 'n beheerpunt op die grens tussen Namibië en Angola.

Mnre. Fillipus Katjoto and Fillipus Findeinge is albei aangekla van die onwettige besit en verhandeling van beheerde wildprodukte en die invoer van beheerde wildprodukte in Namibië. Die Angolese burger is ook aangekla van die versuim om by 'n immigrasiekantoor aan te meld voordat hy Namibië binnegekome het.

OLIFANTTANDE

Intussen is nog 'n Namibiër op 24 Junie op Oshakati in hegtenis geneem nadat hy met drie olifanttande betrap is. Mnr. Faustinus liyagaya is van die onwettige besit en verhandeling van beheerde wildprodukte aangekla.

In 'n afsonderlike voorval is drie Namibiërs in besit van 'n gemsbokkarkas op 25 Junie op Dordabis in hegtenis geneem. Mnre. Adam Afrikaner, Bonsieky Hoebeb and Menphen Gariseb is almal aangekla van die onwettige jag van wild en onwettige jag met honde.

- republikein@republikein.com.na